



16



AD

M E D I C A T I O
I N F A N T I S
H Y D R O C E P H A L I :

Q V A M

Divino adjuvante Numine,

S U B P R A E S I D I O

V I R I C L A R I S S I M I

D. H E N R I C I R E G I I,

Reip. Ultrajectinae Poliatri, & Medicinae
ac Botanices Professoris Ordinarii,

Publicae disquisitioni exhibet

P A U L U S C H E S N E A U Gallus.

Ad diem 21. Februarij, hora 9 matutina.



Naturâ & Industriâ.

T R A J E C T I ad R H E N U M,
E x O f f i c i n â I O H A N N I S à N O O R T D Y C K,
A N N O M. D C. X L V I.

*Pietate & Doctrinâ Reverendissimo, in utroque pariter
Nobilitatis genere spectatissimo, conspicuo, perinsigni,
& celeberrimo Viro,*

D. D. ANDREÆ RIVETO,
S. S. Theol. Doctori & Professori,
mirâdo & venerâdo Ecclesiastæ, ju-
reque inter Orthodoxæ fidei Patres
annumerando, Celsissimo D. Prin-
cipi Wilhelmo à consiliis, tantæ
Religionis Reformatæ faci, virtuti-
bus theologis revera coruscanti,
omnium studioforum, (conterra-
neorum præsertim) azylo, Patrono
& Fautori suo plurimum colendo,

*Has qualescunque studij sui Medici minutias, in submissi
animi, maximis observantia debitaque gratitudinis
vinculis, (ob innumera in se collata beneficia) adstricti,
μὴ μὲν ἔτι μὴ οὐκ ἔτι non veretur offerre*

PAULUS CHESNEAU Gallus
Santo-Subiziensis.

M E D I C A T I O

I N F A N T I S

HYDROCEPHALI:

I.

Puer triennis jam à duobus annis ingenti conspicitur capite, quod contactum molle sentitur, & digitis fortius pressum in fossulas subsidit, radiisque solis vel candelæ expositum pellucet. Sensibus est stupidioribus, & somnolentus. Quamvis bene edat & bibat, reliquo tamen corpore est macilento & pallido. Pulsus pro ratione ætatis debilior est.

II.

Afficitur in hoc infante caput, secundum partes externas, ut docet tactus: atque etiam secundum substantiam cerebri, quod sensus stupidiores & somnolentia indicant; & forsitan etiam secundum ipsos cerebri ventriculos, cum experientia doceat in hoc affectu sæpè magnam serosæ materiæ copiam iis contineri. Afficitur etiam cor & totum reliquum corpus, quod pulsus debilis & macies totius corporis indicant.

III.

Morbus hujus infantis est Hydrocephalon, seu hydrops capitis; qui est intemperies capitis serosa, illud in magnum tumorem, mollem, & perspicuum, attollens.

IV.

Causa hujus morbi *prima* est intemperies frigida & humida cordis & reliquorum viscerum, uti ex pulsu debili, & totius corporis colore pallido colligitur. Atque inde serosa materia, cum sanguine copiosior in visceribus sanguificationis genita, *antece-*

dentem huic morbo dedit causam; quæ, propter peculiarem va-
lorum capitis debilitatem, poros ibi copiosius aperuit, & per
diapedesin ac evaporationem extra vasa, partim intra cranium
& cutim, partim in ventriculos cerebri sese effundens, causam
continentem huic morbo suppeditat; eaque cerebrum suo pondere
gravando, nervosq; subjectos premendo, inducit somnolentiam;
sensoria vero sensationi ineptiora faciendo, producit sensuum
stuporem.

V.

Nec est, quod quis miretur, serosos humores in ipsis ventri-
culis cerebri, salvis vel obtusis existentibus sensibus, copiosissi-
mos posse contineri. Cum frequenti constet experientia aquas
quam maxime copiosas ibi fuisse inventas, & substantiam
cerebri ac ejus ventriculos in maximam capacitatem fuisse expan-
sos, quod certe subito, ante hydrocephalorum mortem, fieri
non potuit.

VI.

Sensus autem hic sunt superstites, licet obtusi; quia aquæ ibi
contentæ, valde sunt spirituosæ; ita ut magna illa spirituum,
aquis istis mistorum, copia, cerebrum illud ingens, & tanto o-
nere gravatû, possit attollere, cranium ipsû distendere, & nervos
cerebro subjectos à nimia pressione vindicare, eosque ita aperi-
re, ut spiritus, in nervos fluentes, illos sensationi qualicumque fa-
ciant aptos.

VII.

Quod verò per medias aquas motus objectorum ad sensatio-
nem faciendam possint transire, patet in piscibus, qui per me-
dias aquas olfaciunt, audiunt, & vident: unde intelligimus,
etiam per aquas cerebro contentas, motus objectorum sensoriis
externis impressos, & in cerebrum delatos, ad sensorium com-
mune, pro sensatione qualicumq; modo facienda, posse deferri.

VIII.

Nec obstat, multos, ex subito humorum in ventriculos illap-
su, in apoplexiam, omnem sensum & motum adimentem, mor-
temque accersentem, incidisse. Nam humores illi apoplectico-
rum non erant spiritibus multis perfusi; sed crassi & tenaces, qui,
principia nervorum & poros cerebri sua crassitie obturantes,
perni-

perniciem ægris accersiverunt. Et deinde magna est differentiã inter humores subitò in ventriculos cerebri collapsos, & paulatim sive lente ibidem collectos; nam humores apoplectico- rum, subitò in cerebri ventriculos profusi, non expandunt ce- rebri poros, sed eos sua copia obturant. Contra verò, hu- mores lente ibi collecti laxant paulatim vasorum & cerebri po- ros, eosque ad spiritus transmittendum, aptos reddunt.

IX.

Atque ex his jam constat, aquas istas in ventriculis cerebri ex- istentes nihil obstare, quo minus spiritus animales in istis ven- triculis, ad functiones animales peragendas, perpetuo gignantur. Illæ enim non impediunt, quo minus subtilissimi sanguinis hali- tus, qui spiritus istos constituunt, ex plexu choroide ibi existen- te, in ventriculorum cavitatem copiose exhalent, & ita novos spiritus ibidem perpetuo producant.

X.

Morbus hic est periculosissimus, tum propter ejus magnitu- dinem, tum propter principem partem, quam occupat, tum propter teneram infantis etatem, quæ generosa remedia, hic ne- cessaria, ferre non potest. Nec tamen plane deserendus æger, sed Curatio tentanda. Præstat enim eam, licet incertam, aggredi, quam certo exitio ægrum exponere.

XI.

Curatio consistet in aquatum è capite evacuatione, & intem- periei capitis & reliqui corporis per contraria correctione.

XII.

Primò itaque præscribatur tale purgans:

R. syr. rosati solutivi cum fol. senna vnc. ij.
cremoris tartari scrup. j.
scammonij scrup. ij. misce F. Syrupus.

De quo exhibeatur infanti cochleare unum, semel vel bis in die, pro operationis magnitudine.

Et subinde ipsi porrigatur cochlear vini Hippocratici.

Deinde foveatur caput hoc fomento.

R. herb.

R. herb. calamenti,
origani,
pulegy,
serpilli,
salvia,
betonica,
sabine an. m. j.

flor. comomill.,

meliloti,

stachados,

anthos,

anethi an. p. j.

rosar. rubrarum,

furfuris macri. an. p. ij.

nucum cypressi. dragm. ij.

Decoquantur in lixivii, ex cineribus sarmentorum confecti, & vini
ansteri partibus equalibus ad lib. ij. F. Decoctum:

quo cum pannis laneis vel spongiis intinctis foveatur
caput infantis mane & vesperti.

Postea capiti exsiccato sequens linimentum illinatur te-
pidum:

R. pulv. absinthij.

camomeli

meliloti an. vnc. ij.

butyrj majalis

olei camomillor. anethi an. vnc. iv.

cere parum. Misce pro Linimento.

vel R. mellis vulg. lib. s.

pulv. origani m. j. s.

salis comm. vnc. s.

misce, in formam Cataplasmatidis, capiti adhibendi.

Deinde caput roboretur hoc pomo odorato, naribus infantis
frequenter adhibito:

R. casto.

R. castorei, benjoini,
 pulv. ruta. cyperi, galanga,
 nucis muscata an. dragm. ij.
 styracis liquida dragm. iij.
 subigantur cum s. q. aquæ rosar. in qua gummi tragacanthum
 & arabicum maduerint, & fiat massa, guttis aliquot olei
 cinnamomi & cariaphyllorum imbuenda, quæ in formam
 Pomi odorati concinnanda.

XIII.

Si hæc morbo superando non suffecerint, cutis capitis erit
 aperienda & sensim ex eo ducenda est aqua, quod ut tuto fiat, par-
 vum vulnus cuti erit infligendum, eique cannula argentea, vul-
 nusculo tam exactè respondens, est inserenda, ut aqua ex vulnere
 egredi non possit, nisi inserta cannula prius fuerit aperta. Alio-
 qui enim, si aqua cõfertim educeretur, certa pernicies, ob spiritus
 copiosos cum multis illis aquis evacuatos, infanti immineret.

Atque hinc jam patet, quam perniciosum illorum sit consi-
 lium, qui ipsum cranium in hoc affectu perforari volunt.

XIV.

Infans in aëre versetur calido. nutriatur pane bene fermenta-
 to; ovis sorbilibus; carnibus pullorum gallinaceorum assis; jus-
 culis, roremarino & salvia alteratis; Cerevisiâ, cum vino tem-
 peratâ. motus, pro ratione tolerantiaë infantis, sit moderatius.
 A fletibus, quantum fieri potest, arceatur, & blanditiis demulcea-
 tur. A somno nimio impediatur.

COROL-

Corollaria.

1. **C**um ars & Natura iisdem nitantur principiis, nullam (ut opinor) heterodoxiam committimus, si ad Physiologicorum mysteriorum patefactionem, Technicæ imploremus opem.
2. Ex barbâ annos & etatem hominis inferri incertum est: quia barba nec chronicum, nec demonstrativum signum est.
3. Pharmacopeâ & Chirurgia etsi edificiî medici bases, non sole tamen absoluto Medico sufficiunt.
4. Prepostero illi procedunt ordine, qui studium medicum vel prætermittentes, aut in eo saltem Dromici nimis; in Pharmaceutico & Chirurgico toti sunt Peripatetici.
5. Nobiscum non faciunt, qui cum Arabibus, è temperamentorum manipulo, temperiem ad pondus expunctum eunt.
6. Sine restrictione si loqui liceat, liberaliorem cœnam, parcius vero prandium probamus.
7. Gravitatem illam septentrionalium, mentis levitati quorundam Meridionalium (ut dicunt) oppositam, ad corporis molem, esculentorum & potulentorum, qualitates, aliasque externas causas, non ad particularem quandam nationem, referendam censemus.
8. Ex eo quod Medicinam artem dicamus, facultatis Medica splendorem minuendi, inde si quis ansam capeßat; mentem malè assequitur.
9. Alimenta in partes impelluntur, non attrahuntur.
10. Medicina tota est practica; itaque nullum ejus membrum est theoreticum.
11. Femina coëuntes semper emittunt semen in collum uteri.
12. Corpus parvum potest esse saluberrimum.

FINIS.


00 A 6396

ULB Halle 3
002 928 167



St





um, borrag. bugloss.
diarhod. abbatis an. drag. f.

quo dragmæ duæ bisquotidie
præbeantur.
Cibus sit liquidus, forbilis, &

M E D I C A T I O
I N F A N T I S

HYDROCEPHALI:

Q U A M

Divino adjuvante Numine,

SUB PRÆSIDIO

VIRI CLARISSIMI

D. HENRICI REGII,

Reip. Ultrajectinæ Poliatri, & Medicinæ
ac Botanices Professoris Ordinarii,

Publicæ disquisitioni exhibet

PAULUS CHESNEAU Gallus.

Ad diem 21. Februarij, hora 9 matutina.



Naturâ & Industriâ.

TRAJECTI ad RHENUM,
Ex Officinâ IOHANNIS à NOORTDYCK,
ANNO M. DC. XLVI.

